



## CORONA e phatlalala bjang?

Twatši/virase e tsena mebeleng ya rena ka melomo, dinko le mahlo. E ka phatlala ga bonolo kudu. Motho o tee feela yo a nang le phetetšo ka gare ga lešaba, kereke goba sehlopha sa batho ka lapeng a ka phatlalatša twatši/virase.

- E ka phatlala ge motho yo a nang le phetetšo a gohlola goba a ithimola kgauswi le wena. Ge marothi a segohlola/moithimolo a dula molomong, dinkong le mahlong a gago o ka fetelwa.
- Le rena re ka iphetetša ka go kgoma boalo bjo bo nang le marothi a CORONA mme morago ra ikgoma difahlego.
- Gape re ka fetetšwa ge re ka kgoma motho yo a nang le phetetšo mme morago ra ikgoma difahlego.
- Twatši/virase e kgona go dula go mehuta e mengwe ya boalo go fihla diiri tše 72.



## Re ka emiša go phatlatša CORONA bjang

Re ka šireletša rena le ba bangwe ka go latela bophelo bjo bo botse.

### Ditlwaedi tša bophelo bjo bo botse

- Gohlolola goba ithomolele setšung se hunnwego goba tissue. Ge o fetša o lahlele tissue ka motomong o tswaletšwego.
- Phema go kgoma mahlo, nko le molomo ka diatla tša ditšhila.
- Hlapa diatla ka meetse le sesepa goba sehlwekišiši (sanitizer) metsotswana ye eseng ka fase ga e 20.
- Hlwekiša boalo le dilo tše o di kgomago kgafetša ka meetse a go fiša le sesepa. Šomiša moupo (disinfectant) moo go kgonegago.
- Tšea cell phone ya gago bja'ka letsogo la boraro. E phumule ka lešela. Tšhela sehlwekišiši (sanitizer) lešeleng, goba ge o se na le yona o ka šomiša sesepa le meetse a go fiša.



## Go šielana sekgala

Go šielana sekgala go bohlokwa kudu ka gobane go thibela go phatlalatša twatši ka ditsela tše pedi. Go thibela gore o se e hwetše go motho yo a lwalago e bile a na le CORONA. Gape go thibela gore o se fetetše batho ba bangwe CORONA, ka gobane o ka no ba o na le twatši/virase 'mme o sa tsebe.

- Fokotša go batamelana le batho ba bangwe ge o kgona.
- Latela melao e maatla ya mmušo ya seo o swanetšego go se dira ka nako ye ya kiletšo ya mosepelo.
- Leka go šia sekgala se seng ka tlase ga dimithara tše 2 gareng ga gago le batho ba bangwe.
- Phema go batamela batho ba lwalago.
- Mo mabakeng a mangwe go ka ba bothata go tlogelana le batho ba bangwe. Gona netefatša gore o hlapa diatla KA BOTLALO le gona KGAFETŠA gape O SEKE wa ikgoma sefahlego.

## Ke eng re ileditšwe go sepela?



Ka di 26 March 2020 mmušo wa Afrika Borwa o goeditše kiletšo ya mosepelo matšatši a 21 naga ka bophara.

- Mmušo o tšere kgato ye go fokotša go keka ga twatši/virase. (flatten the curve).
- Ge re dutše ka magaeng, go na le kgonagalo e nnyane ya gore batho le mafelo a fetetšane twatši/virase.
- Nepo ka kiletšo ya mosepelo ke go thibela gore batho ba bantši ba lwale ka nako e tee. Ge seo se ka direga lenaneo la rena la maphelo le ditheo tša maphelo di ka se kgone go alafa balwetši ka moka. Batho ba bantši ba tla hlokofala.